


六書珠

漢書門		三	四	六	四
類	號	三	二	七	四
函	架	冊	冊	冊	冊

內閣文庫		漢書	三	四	六	四
類	號	冊	冊	冊	冊	冊

內閣文庫		番號	漢	12463
冊數	44	(18)
函號	301	90		



大學東
校典籍
局之印

圖書

圖書

赤水玄珠第十七卷目錄
內傷門
傷飲

傷食
不能食

積聚門

附五臟積方

石瘕

腸覃

圖書

赤水玄珠

第十七卷目錄

赤水玄珠第十七卷

赤水玄珠第十七卷

新安生生子孫一奎著輯

內傷門茲以傷飲傷食為一門而勞心竭力不足之症則節抄東垣脾胃論附之
 疴傷飲傷食

生生子曰傷飲傷食之症多是有餘當另標一門
 不當與內傷門混治何者夫內傷二字乃病機
 總辭凡諸勞心勞神耗竭精氣及損傷營衛臟
 腑筋骨血脉莫不皆內傷病也故古人有五勞
 七傷之謂斯為不足之疾証多類似東垣內外

傷辨惑已詳之矣夫有餘當消不足當補天壤
懸絕症涉疑似而又溷為一門恐初學於有餘
中之不足不足中之有餘及絕有餘絕不足之
証茫無分別則用藥未免有虛實之悞予
故所以另標為一門庶幾易於尋治也且也
証所患甚多緊關妙處只三節隨輕重緩急治
之百發百中初食傷之時填塞胸膈脹滿疼痛
急宜用吐法吐而出之緣食未入於胃停積膈
間吐之甚易經謂在上者因而越之是也食已

下膈入胃則不可用吐法強吐之亦不能盡出
又不宜遽用下藥下之早則傷中氣胃既為飲
食所傷又復能受藥之傷乎而清純中和之氣
并為之下陷故曰雜病酒積下之早亦作痞氣
惟當健脾胃消導俟其盡入大腸而痛在臍腹乃
可用下法下之經謂在下者引而竭之是也
皆順其勢而利導之殊易為力故治亦無所悞
也

東垣曰陰陽應象論云水穀之寒熱感則害人亦

赤水金珠

腑痺論云陰氣者靜則神藏躁則消亡飲食自
倍腸胃乃傷此乃混言之也分之為二飲也食
也飲也者水也無形之氣也因而大飲則氣逆
形寒飲冷則傷肺肺病則為喘咳為腫為水瀉
輕則當發汗利小便使上下分消其濕解醒湯
五苓散生姜半夏枳實白朮之類是也如重而
蓄積為物也有形之血也如生氣通天論云因
而飽食筋脉橫解腸癖為痔又云食傷太陰厥
陰寸口大於人迎兩倍三倍者或嘔吐或痞滿

或下痢腸澼當分寒熱輕重治之輕則內消重
則除下如傷寒物者半夏神麩乾姜三稜廣茂
巴豆之類主之如傷熱物者枳實白朮青皮陳
皮麥孽黃連大黃之類主之亦有宜吐者陰陽
應象論云在上者因而越之瓜蒂散之屬然而
不可過劑過則反傷腸胃蓋先因飲食自傷又
加之以藥過故腸胃復傷而氣不能化食愈難
消矣漸至羸困故五常正大論云太毒治病十
去其六小毒治病十去其七常毒治病十去其

八無毒治病十去其九不可過之此聖人之深

戒傷飲多以五苓散為主

五苓散治飲煩渴飲水過多或水入即吐心中

澹澹停濕在內小便不利方見暑門治傷

冷飲者煎五苓散送半夏枳木丸治傷飲不

惡寒胸中微覺芬悶身重飲食不化者或小便

不利者五苓散去桂依前斟酌服之如瘧熱

在裏身發黃疸食前濃煎茵陳湯調服愈

除濕散傷馬牛乳酪及冰水一切冷物

半夏湯乾姜各三錢車前子炒澤瀉各五錢甘草

炙紅花各二錢茯苓七錢

右為細末每服二錢食前白湯調下

導飲丸治水飲吳茱萸錢三白茯苓錢三蒼朮

各一兩黃連錢五獨活錢七右為細末神麴糊丸服

丹溪茱萸丸治飲白滑石兩六甘草錢六

吳茱萸各一兩水丸服

傷酒

東垣曰酒者太熱有毒氣味俱陽乃無形之物也

若傷之只當發散汗出則愈矣其次莫如利小便
便乃上下分消其濕今之病酒者往往服酒癥
丸太熱之藥下之又有用牽牛太黃下之者是
無形元氣受病反下有形陰血垂悞甚矣酒性
大熱已傷元氣而復重瀉之亦損腎水真陰及
有形陰血俱為不足如以則陰血愈虛真水愈
弱陽毒之熱大旺反增其陰火是以元氣消燦
折人長命不然則虛損之病成矣酒疸下之早
久則為黑疸慎不可犯宜以葛花解酲湯主之

王海藏曰治酒病宜發汗若只利小便炎焰不肯
下行故曰火鬱則發之以辛溫散之是從其賦
性也是知利小便則濕去熱不丟若動太便尤
為踈陋蓋太便者有形質之物酒者無形之水
從汗而發之是為近理濕熱俱去故治以苦溫
發其火也佐以苦寒除其濕也
統旨曰傷酒惡心嘔逆吐宿酒昏冒眩暈頭痛
如破宜二陳湯加黃連乾葛煎服或沖和湯縮
脾湯五苓散用乾葛煎湯調服久困於酒遂成

酒積腹痛泄瀉或暴飲有灰酒亦能致之並宜
酒煮黃連丸○多飲結成酒癖腹中有塊隨氣
上下冲和湯加黃連蓬朮酒停胸膈為痰飲者
枳實半夏湯加麴孽用吐法尤妙

劉宗厚曰酒者是有形之物即水飲同躰也今言
無形元氣受病不得傷于有形陰血者蓋謂酒
者濕熱之物入胃則臟氣俱熱逐氣升降之際
而半有消耗之矣至傷於腸胃則升之不散降
之不下鬱於氣分無形之地位故言無形之物

非若水飲性躰全降於腸胃中也若今人之飲
醇酒則便少以其可驗是以傷則宜汗之瀉之
不得用重峻下劑蓋以等藥不能入氣分反傷
有形陰血耳但斯意隱然使人不能無疑故或
有辨之者茲不復具然昔人有用下劑者蓋或
有酒飲傷積日久而汗之泄之不能愈則重峻
下劑而或可哉故用者自宜對症詳審勿以辭
害意可也

東垣葛花解酲湯 飲酒太過嘔吐痰逆心神煩

亂胸膈痞塞手足戰搖飲食減少小便不利

青皮三分木香三分橘紅各五分人參一分茯苓一分猪苓一分

各一錢神麴炒澤瀉各五錢乾姜各二錢白朮各二錢白苳蔻各二錢

葛花砂仁各五錢右為細末每服三錢白湯調

下但得微汗則酒病去矣以蓋不得已而用

之豈可恃此酣飲成病自損元氣惟病酒者宜

丹溪烏梅丸 治酒毒化痰消食 烏梅一斤

半夏各八兩白礬各二兩生薑各二兩右為細末以新瓦

二片夾定火焙三日夜為度次入神麴麦芽陳

皮青皮莪朮枳殼下皮大腹子各四兩糊丸每

服四五十丸姜湯下

潔古百杯丸 酒停胸中膈氣痞滿面色黃黑將

成癖疾飲食不進日漸羸瘦如欲飲者先服不

醉生薑一斤去皮切片以鹽橘紅乾姜各

兩木香茴香炮各廣茂炮益智仁粒二十

丁香五十粒砂仁白豆蔻各甘草炙三稜炮

錢二右煉蜜丸每十兩作五九硃砂為衣姜湯

嚼下

酒煮黃連丸

方見下血門

濟世方酒積烏梅丸

烏梅一兩

青木香

錢四砂仁

錢五巴豆霜

半夏麴

枳實

杏仁

黃連

右飪餅糊為丸

菜菔

大每服八

丸白湯下

傷食

生生子曰傷食痛急者用前上中下三法不痛而發熱頭疼痞悶者究其所傷何物寒熱孰多而

為之治今收各家方法詳列於後

東垣脾胃論中已具者茲

不復入但于後參治可也

丹溪曰傷食惡食者胸中有物宜導痰補脾用二

陳湯加白朮山查川芎蒼朮服之

憂抑傷脾不思飲食炒黃連酒炒芍藥同清亦

丸末加香附以姜汁浸蒸餅糊為丸服

統旨曰傷食胸膈痞塞吐逆噯酸噫敗外臭畏食

頭疼發熱惡寒病似傷寒但身不痛氣口脉緊

盛治中湯加砂仁或十香丸

赤水

卷

九

潔古枳木丸

治痞積消食強胃

王海藏云本仲景枳木湯也今易老改為丸治

老幼虛弱飲食不化或臟腑軟弱者

枳實去白麩白木二兩右為末荷葉包燒飯為

丸桐子大每服五十丸白木湯下服白木者本

意不取其食速但久服令人胃氣強食不復傷

也

麩孽枳木丸

為人強食所致心胸滿悶不快

神麩炒麥孽炒枳實炒白木二兩

右為末荷葉燒飯為丸每服五十丸

木香枳木丸 破滯氣消飲食開胃

木香 枳實各一兩白木二兩照上法為丸服

又方 開胃進食 木香錢三 人參各一 乾姜錢半

枳實一兩白木二兩為末照上法為丸白湯吞

五十丸

檳榔丸 消食破滯氣 檳榔錢三 木香 人參各

錢 陳皮錢五 甘草錢一 右蒸餅糊為丸每服五

十九

羅太無檳榔木香丸 疎三焦寬胸膈破痰飲快

意潤腸方在氣門

丹溪保和丸 治食積酒積 山查肉 一半夏製

蘿蔔子 炒黃連 炒姜汁 橘紅 神麴 各五錢 麥芽 炒

右神麴糊為丸每服七八十丸姜湯下

大安丸 脾經消導之劑 山查 二神麴 炒半夏

製茯苓 各一兩 陳皮 連翹 蘿蔔子 炒各五錢 白朮

右神麴糊為丸每服五十丸

白朮丸 治傷豆粉濕麴油膩之物

白朮 半夏製神麴 枳實 各一兩 橘紅 七錢 黃芩

減服之如素食多用乾姜故以黃芩瀉之

半夏枳朮丸 治因冷食內傷 半夏 姜製 枳實

炒白朮 各一兩 右末荷葉飯為丸 一方有澤瀉

木香乾姜枳朮丸 破滯氣消寒飲食

木香 三錢 乾姜 炮五錢 枳實 炒一兩 白朮 二兩

右荷葉飯為丸每服五十丸

丁香爛飯丸 治食傷太陰又治卒心痛胃疼

蘇水

丁香 甘草 炙 三稜 炮 廣茂 炮 木香 各一錢 丁皮

甘松 淨 砂仁 益智仁 各三錢 香附 錢五

右浸蒸餅糊為丸每服七十丸

香砂和中湯 治飲食所傷脾胃嘔吐胸滿噯噫

或胸腹脹疼 藿香 砂仁 各一錢半 蒼朮 錢二 厚朴

陳皮 半夏 茯苓 青皮 枳實 各一錢 炒

甘草 三分 大便瀉 枳實 青皮 加麥蘗 山查

水二鍾姜三片煎八分食遠服

加味枳朮丸 白朮 米泔浸 枳實 去白 麩 陳皮

半夏 泡 神麩 炒 麥芽 炒 山查肉 各一兩半 如胃寒或

冬月加砂仁一兩 氣滯不行加木香 錢五 常有

痰火又兼胸膈痞悶加黃連 炒 姜汁 茯苓 各一兩

右末荷葉飯為丸每服五六十丸

化食養脾湯 人參 白茯苓 陳皮 半夏

神麩 炒 麥芽 炒 山查 各一錢 砂仁 八分 甘草 三分 白朮

一錢 胸膈痞脹甚者加厚朴枳實 各一錢

胃脘痛加草薹仁 錢一 氣滯痰盛者去人參加

香附 一錢 夏倍之 水三鍾姜三片煎八分食

遠服

秘方思食調中丸 脾胃久弱，飲食不消，氣滯胸

膈痞悶，嘔逆痰水。白朮米泔浸，人參錢七

木香錢五，砂仁，香附，陳皮，半夏錢，麴炒

神麴炒，麦芽炒，各錢，甘草炙，四錢。右末，陳米糊為

丸，梧子大，每服百丸，白湯下。

治中湯，即理中湯，加青皮、陳皮。

十香丸，傷飲食，胸膈腹疼，或氣滯積聚，皆可服。

甘松炒，益智仁炒，香附子各，四兩，京三稜二兩

莪木二兩，青皮各，三兩，陳皮各，三兩，砂仁一兩，木香

甘草炒，一兩，水浸，蒸餅糊為丸，梧子大，每服五

十丸，姜湯下。

枳實半夏湯，枳實炒，半夏泡，各錢，姜五片，水

二鍾煎服。

治心腹膨脹，多食積所致。南星姜製，半夏製

瓜蒌仁各，一兩，香附童便浸，黃連姜汁炒，青蒙石

煨，蘿蔔子炒，連翹，陳皮各，五錢，射香少

右末，神麴糊為丸。

赤心

卷

十

赤水丸

治因麪內傷發熱頭痛作吐 白朮一錢 白芍

陳皮 蒼朮錢各一 茯苓 黃連 人參 甘草

各五 姜三片 口渴加葛根錢二

楊氏家藏葶藶橘紅散 溫脾養胃升降陰陽和

三焦化宿食 丁香 木香各一 人參 白芷

厚朴製姜 橘紅 神麪炒 乾姜炒

半夏麪 甘草炒 藿香 白朮錢各五

每服五七錢 姜三片 枣一枚 水煎服

紅丸子 溫脾胃消寒冷食積併治冷瘧不香

京三稜 莪朮 陳皮去白 青皮去白 乾姜

炮胡椒各二 右朱 醋煮糊為丸 梧子大以礬

紅為衣 每服二十丸 食後姜湯下

消食化氣香殼丸 醒脾去積順氣化痰

青皮炒 陳皮炒 蘿蔔子炒 木香 三稜炒

蓬朮 神麪 麥芽各一 枳殼炒 半夏二兩

枳實炒 香附子醋炒 檳榔 山查 草菓

各一 陳倉米一升同巴豆二十粒

右朱 醋糊丸 梧子大 每服四五十九丸 漸加至

赤水丸

七十丸食後白湯下
食過飽痞悶消食化氣醒酒

青橘皮散
青橘皮炒去白葛根一兩砂仁五錢為細末濃茶調服

寬中丸
治胸膈痞悶停滯飲食山查肉
蒸熟為末丸服

除濕益氣湯
傷濕麩心腹滿悶肢躄沉重
枳實炒麩白朮各一兩黃芩各一兩蘿蔔子炒半兩神麩一兩

一兩紅花三錢荷葉飯為丸菘豆大每服六十丸

白湯下

二黃丸
傷熱食痞悶兀兀欲吐煩亂不安

黃芩二兩黃連酒炒一兩升麻各一兩柴胡各三錢甘草二錢
枳實炒五錢餛餅糊為丸每服七十丸姜湯下

白朮和胃丸
病久不能食而臟腑或結或痞
由胃虛弱也常服則和中理氣消痰去濕熱飲

食厚朴炒半兩半夏各一兩白朮一兩陳皮八錢枳實各二錢木香錢一人參七錢甘草三錢
右末姜汁浸蒸餅糊為丸梧子大每服五十

丸白湯送下

吳梅坡冲和健脾丸

益心開胃健脾寬胸順氣

進食和中資扶三焦培植五内凡躰欠強盛者

多服大有益也慎勿以人参見疑膈氣膈食翻

胃噎食中滿者亦効

白木炒四兩白豆蔻一兩拌白木末勻飯上蒸人参三兩陳皮三兩

同參飯二兩白茯苓二兩山查肉二兩石斛鹽水洗同茯苓上

熟甘草綿紙上炒焦黃右各自為末麦芽粉打

糊為丸每服五十丸白湯下

家傳三因冲和丸 養心扶脾疎肝開胃暢達三

焦通貫五臟贊坎離有升降之能和表裏無壅

塞之患利用一元斡旋五内家傳四世之秘也

歌曰 醫家綱領在三因 多少鑽研那得真

發出肺肝玄妙處 信乎一决勝千金 人参

石斛 白苳仁 廣陳皮 各為末 山查肉 末二

已上五味合研勻碗盛碟蓋飯上蒸熟取起待

冷方開以乃調胃補心接丹由之氣也

遠志 甘草湯泡去心取末一兩 山梔 炒焦色取末二兩 香附 童便浸半日洗

赤水珠

卷

五

淨醋炒未二兩以三味共研勻如如上法蒸熟勿令洩氣
 乃透暢心胞達膈間之滯氣也
 海石末二兩蒼木米泔浸洗去浮皮以二味如如上
 法同蒸乃消痰飲而通內外之用也
 川芎末二兩北柴胡末一兩青代末一兩以三味和勻
 蒸如如上法乃疎肝鬱調達者也
 夫心為脾母補心則土有力肝為脾賊平賊則
 土乃和故曰安穀則昌用穀孽取粉打糊為丸
 梧子大晒乾用益元散五錢水飛過神砂五錢

為衣食後少頃白湯下量人大小輕重在數服
 之常用五十九丸胃開氣順少覺舒泰則減數服
 之可與補中益氣湯亦君子湯相兼服以丸不
 犯炎涼又服無妨平康為度不拘內外諸病服
 其該科之藥而兼以丸每日一服則胃和脾壯
 行諸藥以健成功以秘妙之囑慎毋忽焉
 參苓造化糕 人參二兩虛者 白茯苓四兩乾山藥
 芡實 蓮肉去皮 苡仁炒 白扁豆炒 各種米
 打白炒 白糖霜二斤 右為末磁瓶收貯每用四
 五升

赤水珠

五錢白湯隨加白糖霜調服一日三四次以平
調脾胃又服精神倍加

吐法

瓜蒂散 上部有脈下部無脈其人當吐不吐者
死 瓜蒂 赤小豆 為末每服一錢七溫漿
水調下取吐為度設兩手脈不絕無者不可
使用以藥恐損元氣令人胃氣不復若止胸
中窒塞不通以指探去之如不得吐者以物
探吐之得吐則已如是食不得去者方用此

藥吐之

攻下之劑

備急丸 療心腹諸疾卒百病 大黃 乾姜

巴豆

去皮各

右擇精品者為末蜜和搗千杵

丸如小豆大每服三丸大小量之若中惡客

忤心腹脹滿卒痛如錐力刺痛氣急口噤尸

厥卒死者以酒或湯服之口噤以物攪開灌

之藥一下咽須臾差如未差更與三丸以腹

中鳴轉即吐下便愈若口噤須折齒灌之忌

蘇省猪肉冷水肥膩之物易水張先生又名

獨行丸乃急劑也

神妙列仙散 飲酒所傷以致遍身疼痛腰脚強

跛手足頑麻胃脘疼痛胸膈滿悶肚腹膨脹嘔

吐瀉痢及酒食停久或一切積聚黃疸熱鼓並

皆治之 沉香 木香 茴香 炒檳榔各一

扁蓄 錢三 大黃 一微炒 麥芽 一兩 瞿麥 錢五

右末每服三五錢五更熱酒調下能飲者多

飲二三杯不妨仰面卧手叉胸前至天明取

下大便如魚腦小便如血効忌生冷硬物葷腥

惟啖米粥

木香和中丸 和脾胃消宿食利胸膈化痰涎除

膈熱進飲食 木香 黃芩 青蒙石 枳殼

檳榔 青皮 橘紅 各五錢 白滑石 二兩 沉香 錢二

大黃 一錢 黑牽牛 兩取頭末 右末水丸梧子大

木香檳榔丸 一切氣滯心腹痞滿脇肋脹悶大

小便結澁不利者 木香 檳榔 青皮 去白

赤水... 卷...

陳皮去白枳殼煨 莪木煨 黃連各一 黃柏各一 香附

大黃炒黑 丑取頭末各 右末水丸 梧子大 每服

六十九 生姜湯下 以利為度

枳實導滯丸 傷濕熱之物 不得施化痞悶不安

茯苓 黃芩 白朮 黃連各三 澤瀉二

大黃一 枳實炒 神麩各五 右蒸餅糊丸 菜豆

大每服七十九

三黃枳木丸 傷食肉濕麵辛辣厚味之物 填塞

悶亂 黃芩二 黃連一 大黃煨 神麩炒 白朮

陳皮各一 枳實炒 餽餅為丸 服如上

海藏神應丸 一切冷物冷水及潼乳酪小腹痛

腸鳴穀不化 巴豆 杏仁 乾姜 百草霜

各五 木香 丁香各二 黃蠟一 先將黃蠟用

醋煮去渣 將巴豆杏仁同炒黑烟盡 研如泥 將

蠟再上火入少油溶化 入在杏仁等藥內攪勻

旋下丁香等藥 研勻 搗作挺子 油紙裹了 旋丸

每用三五丸 食前米飲下

秘方化滯丸 理一切氣化 一切積奪造化有通

赤水... 卷...

塞之功調陰陽有補瀉之妙久堅沉痾磨之自
 消暴積乍留導之立去丁香木香青皮
 去橘紅黃連各二錢京三稜煨莪木各
 半夏麴二錢俱為末巴豆去壳滾湯泡過再研
 好酒煮乾用六錢研細烏梅肉厚者去核焙乾
 和前藥末再研入後藥為末用五錢以米
 醋調畧清慢火熬成膏入前藥右共和勻以麵糊為丸粟米大
 每服五七丸人盛者十丸五更陳皮湯下常
 服磨積不飲瀉者津液嚥下
 停食飽悶枳殼湯下但有所積物取本物

煎湯冷下因食吐不止津液嚥下即止
 食瀉不休及霍亂嘔吐俱用冷水下
 赤痢甘草湯冷下白痢乾姜湯冷下
 心痛石菖蒲湯下小腸氣痛茴香酒下
 婦人血氣當歸湯下若飲攻積熱姜湯下
 仍加丸數未利再服瀉不止飲冷水一口立
 止小兒量歲數加減服疳積米飲下
 孕婦勿服以藥得熱則行冷則止
 丹溪小胃丹芫化好醋拌勻過一宿於瓦器上
 不住手炒至黑色勿令焦

赤火...

...

...

甘遂 濕麵包水浸半日洗晒乾一云水浸冬七日春秋五日或用水煮亦可

大戟 水煮一時洗 大黃 濕紙裹煨勿焦焙乾再晒乾各半兩

半黃栢 炒三兩 右末以白木膏丸 蘿蔔子大臨

即津液吞下或白湯送下取其膈上濕痰熱積以意消息之飲利空心服 一方加木香

栝榔各五錢 餗餅糊為丸每服七、八、十丸

東垣觸飲枳實丸 逐飲消痰導氣清膈

枳實 炒 半夏 製 橘紅 各二兩 黑丑 取頭末三兩

右末麵糊為丸每五十九丸食後姜湯下如所

食在膈間兀兀欲吐及鬱悶亂以物探吐甚者用瓜蒂散

海藏金露丸 肉傷心痞氣不升降水穀不消

大黃 一兩 枳實 錢炒五 桔梗 兩二 黑丑 半二錢

右末荷葉燒飯丸每服白湯下三五十九丸常服減半一方姜糊丸

傷狗肉不消心下堅硬或腹脹口乾發熱妄語水

煮蘆根汁飲之

傷魚鱠及生鮓停在胸膈不化必成癥瘕

赤火煖珠

馬鞭草搗汁飲之 飲生姜汁亦消

橄欖煎湯飲之亦佳

傷豆腐以蘿蔔煮食或用蘿蔔子煎湯飲之消

傷蟹用紫蘇生姜煎湯飲

傷瓜菓以健脾消食之劑內加射香服之立消

不能食

生生子曰不能食者由脾胃餒弱或病後而脾胃之氣未復或痰客中焦以故不思食非心下痞滿而惡食也治當補益以開豁之丹溪導痰運

脾之法皆是也下元虛亦令人不思食宋黃山

谷力等手東載云有將兔絲子淘淨炒乾日服

數匙酒下服之十日飲食如湯沃雪又有服補

脾藥不効用神丸治之愈

羅謙甫云脾胃弱而飲食難任者不可一槩用剋

伐之劑且錢氏異功散補之自然能食或嗜食

太過傷脾而痞滿嘔逆權用枳朮丸一服慎勿

多服昔人有治久瘧後食少汗多先用補劑加

黃連枳實月餘食反不進汗亦不止因悟謙甫

赤水遺珠

卷之七

二二

之言純用補劑又令粥多于菜氣虛甚者加附
子一二分佐之

錢氏異功散 治脾胃虛弱難任飲食

人參 白朮 茯苓 粉草 橘紅 木香 各

分加姜枣煎服

二神丸 脾胃虛弱全不思食服補脾藥不効者

破故布 炒四兩 肉果 生二兩 右末 肥束 四十九枚 生

姜四兩 切片煮爛去姜剝去束核研膏入藥

末和丸桐子大每三四十九粒鹽湯下

積聚門

黃帝針經百病始生得三云積者蓋厥氣生足悅

悅生脛寒脛寒則血脉凝滯凝滯則寒氣上入

腸胃則膜脹膜脹則腸外之汁沫迫聚不得散

日以成積卒然多飲食則腸滿起居不節用力

過度則絡脉傷陽絡傷則血外溢血外溢則衄

血陰絡傷則血內溢血內溢則後血腸胃之絡

傷則血溢于腸外有寒汁沫與血相搏則并合

凝聚不得散而成積矣或外傷于寒內傷于憂

赤水珠

卷之三

百

怒則氣上逆氣上逆則六輸不通溫氣不行凝
血蘊裏不散津液凝滯滲著而不去而成積矣
難經云肝之積名曰肥氣肥氣以季夏戊巳日
得之何以言之肺病傳于肝肝當傳脾脾季夏
適王王者不受邪肝復欲還肺肺不肯受故留
結為積故知肥氣以季夏戊巳日得之心之積
名曰伏梁云脾之積名曰痞氣云肺之積
名曰息賁云腎之積名曰奔豚云並見本
方

滑伯仁曰越人之意蓋以五行之道推其理勢之
所有者演而成文爾初不必論其感亦不必論
其還不還與其必然否也請以所勝傳不勝及
王者不受邪遂留結為積觀之則不以詞害意
而思過半矣

論婦人腸覃石瘕

水脹篇云石瘕何如岐伯曰石瘕生于胞中寒氣
客于子門子門閉塞氣不通惡血當瀉不瀉血
以留止日以益大狀如懷子月事不以時下皆

生于女子可導而下
寶鑑曰夫膀胱為津液之府氣化則出矣今寒
客于子門氣塞不通血壅不流而血以止之結
硬如石是名石瘕也以氣先病而血後病故月
事不來則可宣導而下出者也故難經云任之
為病其內若結男子為七疝女子為瘕聚以之
謂也非大辛之藥不能已可服見睨舟
腸覃何如岐伯曰寒氣客于腸外與衛相搏氣不
得營因有所繫痞而內著惡氣乃起瘕肉乃生

其始生也大如雞卵稍以益大至其成如懷子
之狀久者離歲按之則堅推之則移月事以時
下以其候也
夫腸者大腸也覃者延也大腸以傳道為事乃肺
之府府主衛衛為氣氣得熱則泄寒則凝今寒
客於大腸故衛氣不營有所繫止而結瘕在內
貼著其延久不已是名腸覃也氣散則清氣聚
則濁結為瘕聚所以惡氣發起瘕肉乃生小漸
益大至期而鼓其腹則如懷子狀也以氣病而

示人云朱

明終未有能擴其蘊而可為萬世法者近汪子
良特揭而辨之乃分表裏邪正臟腑內外曰積
曰聚及著治驗數條多有啟悟與丹溪治案可
相表裏深有功於難經者而後人得以此取則
焉幸亦大笑謹述於左

汪子良曰嘗讀難經積聚之說而疑之雖有及於
病情而其說自相矛盾者有膠固而難通予慮後
學之悞于承用也為之辨論附以積聚常變之
法亦有自效於匡救之忠已乎

五十五難曰積者陰氣也聚者陽氣也故陰沉而
伏陽浮而動氣之所積名曰積氣之所聚名曰
聚故積者五臟之所生聚者六腑之所成積者
陰氣也其始發有常處聚者陽氣也其始發無
根本上下無所留止其痛無常處又五十六難
曰肝之積名曰肥氣在左脇下如覆杯有頭足
久不愈令人發欬連年不已以季夏戊巳日得
之何言言之肺病傳脾脾季夏適旺旺者不受
邪氣以季夏復欲還肺肺不肯受故留結為積故知
肥氣以季夏心之積名曰伏梁起臍上大如臂
戊巳日得之

上至心下久不愈令人煩心以秋庚辛日得之
何言言之腎病傳心不當傳肺秋適旺者
不受邪心復欲還腎不肯受故留結為積故
知伏梁以庚脾之積名曰痞氣在胃脘覆大如
辛日得之
 益久不愈令人四肢不收發黃疸飲食不為肌
膚以冬壬癸日得之
何言之肝病傳脾不當
受邪脾復欲還肝不肯受故留結
為積故知痞氣以冬壬癸日得之
 肺之積名
曰息賁在右脇下覆大如杯久不已令人洒洒
寒熱喘嗽發肺癰以春甲乙日得之
何言之心病傳肺
肺當傳肝以春適旺者不肯受邪肺復欲還
心不肯受故留結為積故知息賁以春甲乙

日得腎之積名曰奔豚發於少腹上至心下或
 上或下無時久不已令人喘逆骨痠少氣以夏
丙子日得之
何以言之脾病傳腎當傳心
解不肯受故留結為積故
知奔豚以夏丙子日得之
 夫謂積者陰氣也
 聚者陽氣也是以血氣分陰陽也殊不知陰血
 陽氣也皆能成積但臟腑所主之不同耳心肝
 多主于血丹溪所謂在左屬血是也脾肺多主
 於氣本文所謂肺積息賁者是也息者氣之息
 也是陽氣亦能成積况又曰氣之所積名曰積

卷之二十一
 十一
 十一

與其積陰之說不相合矣又謂積者五臟之所
生也聚者六腑之所成也殊不知有形質之物
積滯不行則為之積五臟六腑俱有之如仲景
所謂熱結膀胱搏血畜積下焦其人如狂小腹
滿硬而小便自利抵當湯主之又東垣所謂食
積腸胃腹滿卒痛者備急丸下之是六腑之位
亦有其積豈謂積于臟乎至論肝積肥氣夫肥
氣者言其皮裏膜外有塊以致皮膚有肥滿之
狀所謂瘡母是也此肝之外積非肝之內積也

又謂脾積痞氣夫脾居於右脇今積在於心膈
之位乃與本文積在本位之說不相合矣又謂
腎積責豚發於少腹上至心下若豚狀或上或
下無時乃與聚証走動相類與本文積屬陰沉
伏之說不相合矣且五臟之積未言所因治何
所據又謂肝積於季夏戊巳日得之之類其說
之失明者自當知之愚謂積伏而有常處其症
靜也因於血氣瘀食水火之所成聚者對散而
言散而無形或集為有象其症動也因於氣虛

不能運行之所致作於腹中者屬內作於皮膚
四肢者屬外如血積左脇作痛日輕夜甚其脉
沉澹者所謂在左屬血治用芎歸紅花蘇木射
香肉桂莪朮之類又有火鬱左脇而痛甚者治
用當歸龍會丸之類又有裏熱畜水在於左脇
而作痛者如仲景所謂心下痞硬痛引脇下乾
嘔短氣汗出不惡寒者十棗湯主之又有食積
右脇而作痛者所謂在右屬食丹溪云右脇一
條降起作痛色不紅者與食積也予嘗用補中

益氣湯去陳皮加青皮草果木香之類又有食
塊積於右脇而不痛者宜治消導為主如白朮
枳實三稜莪朮砂仁吳茱萸之類又有痰飲積
於心膈作痛綿食熱辣湯則暫止而脉沉滑治
用白螺丸之類又有氣積胸中而為脹痛喘急
脉沉者治用紫蘇杏仁之類又有水積胸膈作
痛手不可近身涼脉沉緊者治用陷胸湯之類
又有濕鬱心膈而為痞滿者治用大消痞丸之
類所謂五臟之積者如此又有積于六府之位

者余嘗治一人膈下大痛有塊不移嘔吐不食
吐兼腹痛此中焦吐也從於積用紫沉丸下之
而愈又嘗治一人腹中大痛不移纔得大使其
痛稍減兩尺脉沉弦而瀋他醫作房後陰症治
之弗應余曰據其尺脉陰沉當作陰症治之據
其大便去後而痛減者與食積也用儵急丸下
之而已又嘗治一婦產後將及一月小腹之位
有塊如雞卵作痛日輕夜重嘔吐寒熱此血積
也治用芎歸肉桂莪朮乳沒琥珀射香之類下

服而塊消諸症悉退又寶鑑云寒氣客於子門
則氣塞不通血壅不流而衄以止之結硬如石
是名石瘕見現丸主之又云清濁之氣結聚腸
外成如懷妊按之則堅推之則移月事以時下
名曰腸覃晞露丸又嘗治一婦人經閉三月臍
下脹痛不移他醫作血積治弗効予曰此氣虛
不能上升而陷於下也丹溪所謂陽病極於下
者以也治用人參陳皮而安又嘗治一人臍左
有塊不痛或時隆起此亦食積也治用白朮三

稜莪朮砂仁吳茱萸木香神麩糊丸服之外於
 塊上灸之而消又嘗治一人小腹左邊有塊堅
 痛不移大便燥結或因惱怒辛苦即作膈痛嘔
 吐不食諸醫罔效已一年餘余作瘥火治用順
 氣消痞丸遠志肉酒炒黃連姜製厚朴各二兩
海藻昆布青皮中查肉神麩蒼朮川
婦枳實各一兩玄明粉六兩同半肉一斤切碎
煮熟焙乾同前諸藥為末醋煮蒸餅糊為丸每
服二錢空心湯下未又治一人右脇塊痛用三
反一月而塊消痛止補丸加梔子蒼朮服至半月而愈所謂六府之
 積者如此其餘萊菔酒肉寒冷等積可類推焉

腑之積甚者倒倉法治之此皆內積之症治者
 也又有外積者作于皮膚四肢之位也如癰疽
 瘰癧瘡母之類治各從其所宜夫癰疽屬陽者
 仲方活命飲之類屬陰者內托復煎湯之類瘰
 癧未消者破結散之類已破者如神散之類瘡
 母又名肥氣宜降瘥火之劑余嘗治一人瘡後
 左脇之下皮裏膜外有塊大如掌許用七臑散
 治之五蘆子煨天葶花子各二兩為末楮膜七
箇針亂刺北同玄明粉四兩煮熟入前
末搗爛焙乾為末每服二錢酒下為丸服亦可服之而效此皆外積之

赤水玄珠

卷之三

三

症治者也且以聚病言之夫內聚者腹中走痛也由於氣虛不能運行故耳余嘗治一人腹中有塊作痛或上或下或有或無此聚也治用人參黃芪白朮當歸枳殼木香之類而止此內聚之症治者也又有外聚者亦由氣衰滯於四肢百節作痛痛作隨腫痛退腫消經曰先痛而後腫者氣傷形也此也治用補氣散邪之劑如人參黃芪白朮為君佐以羌活五加皮薏苡仁之類此外聚之症治者也由是觀之積者由於氣

血瘀食水火之所成而有臟腑外內之分也聚者由於氣虛不運之所致而表裏邪正之別也則常變虛實之治得矣難經之說云乎哉

湯氏三稜散

治積氣肚痛

砂仁

甘草炒

益智仁

炒去壳

三稜

莪朮

青皮

去穰炒各等分

右末白湯點下

散聚湯 久氣積聚狀如癥瘕隨氣上下心腹絞

痛攷刺腰脇小腹填脹大小便不利

半夏

檳榔

當歸

各三分

陳皮

杏仁

去皮炒

赤水

卷之

桂略二茯苓 甘草炙 附子炮 川芎 枳殼

厚朴湯洗各 吳茱萸一兩 大黃看勢輕

每服四錢水煎 大便利者去大黃

大七氣湯 治同上 京三稜 蓬木 陳皮

益志各一 香附各一 肉桂 藿香 甘草

青皮各三 桔梗各三 每服五錢水煎

玄胡肉消癥瘕 氣結中煩心腹脹痛

玄胡索 川歸 青皮 水香 雄黃飛另

檳榔 廣木炮各 京三稜炮六 右末入雄黃

拌勻糊丸梧子大每服三十丸姜湯下不拘時

木香三稜散 和胃進食消化生冷物心腹刺痛

木香 神麴炒各 京三稜炮各 甘草炙各 廣茂六

益志 橘紅各四 右末每二錢入鹽沸湯點服

五食丸 虛實積氣蟲脹積塊水氣年深癥瘕

大戟皮去 甘遂生各 牙皂去皮 芫花醋浸一

胡椒各一 巴豆去心膜醋煮二 右末入巴豆和

勻糊丸菘豆大每服五七丸氣實者十九夜卧

水丁鍾用白米白麵黑豆生菜猪肉各少許煎

赤水

卷之

卷之

至半鐘去渣用湯下藥忌油膩粘滑物

聖散子 遠年積塊及婦人乾血氣

礪砂 麥蘖 各六兩 大黃 兩八 乾漆 過燒 扁蓄 茴香

炒檳榔 兩各一 如婦人乾血氣加川山甲 兩二

右細末每三錢溫酒調下仰臥此藥只在心

頭至天明大便如魚腸小便赤為驗並無毒

木神効小兒用一錢十五以上二錢空心服之

更効

荆蓬煎丸 破痰癰消癥塊及冷熱積聚順氣消

食 水香 檳榔 枳殼 青皮 茴香

三稜 各二兩 酒浸冬 廣茂 二兩 莖浸冬 以去皮

巴豆 二十箇同炒黃色去巴豆不用

右末糊丸如菉豆大每服三十丸姜湯下

三稜丸 治五穀等積食

陳倉米 炒焦色去巴豆不用 同陳皮 三稜 各

兩 砂仁 各二 麥芽 木香 錢一 右末醋糊丸

菉豆大每十五丸至二十九丸姜湯食遠服

麩孽丸 治熱酒積噎酸脇痛

本草綱目 卷之...

神麴 麥芽 各一兩 黃連 五錢 同巴豆 五粒 炒黃色 同用

右末沸湯和丸 桐子大 每五十九 食遠姜湯

送下

一方治冷酒積 平胃散加丁香砂仁麥芽神

麴姜枣益煎服

水積丸 甘遂 錢為末 以猪槽頭肉一兩細切搗

爛和末作一丸紙裹火煨令香熟取出臨卧嚼

細酒嚥下取下病根 若治酒積用束湯吞下

涎積炒粉丸 積聚涎塊結於心腹乾嘔刺痛

蚌粉 一兩 巴豆 七枚 去殼及膜 右二味同炒赤色去巴豆

以醋丸 桐子大 丈夫臍腹痛炒茴香酒下

十丸 婦人血氣姜酒下 敗血冲心童便和常

歸酒服常服姜湯下

茶積丸 治茶積飲食減少面黃腹痛

陳倉米 半升 巴豆七粒 去殼 青皮 陳皮 各二兩

右末醋丸如菉豆大 每二十九 食後淡姜湯

下

又方 花椒為末 麴糊丸 桐子大 每二十九 茶湯

任下
...

茶癖散 治茶積 黃芩 石膏 升麻 等分

為末每三錢砂糖湯調下

驚甲桃仁煎丸 治諸積 桃仁 水研 渣去皮尖五兩

三稜 煨 木香 檳榔 青皮 各一兩 驚甲 醋炙 黃

右末將桃仁汁慢火熬二升再加醋一升再

熬如糊和藥丸桐子大每服七十九淡醋湯

下空心食前日二服

晞露丸 感寒氣凝結腸外久為癥瘕疼痛名腸

單 廣木 三稜 各一兩酒浸用巴豆三十粒

不用乾漆炒川烏炮各五錢苗香炒青皮雄黃各三

川山甲炮二錢硃砂研四錢輕粉一錢射香五分

右姜汁糊丸桐子大每服二三十丸空心姜

湯下

阿魏丸 諸積聚癥瘕痞塊 山查 南星 皂角

半夏同 麥芽 神麴 黃連 姜炒各一兩 連翹 炒

阿魏 醋浸 瓜蒌 貝母 各五錢 石礮 風化硝

蘿蔔子 胡黃連 各二錢半 右末姜汁浸餅糊

為丸桐子大每服五十丸姜湯下

見睨丸 婦人石瘦狀如懷子者 大附子 炮

鬼箭羽 熬石英 錢各三 肉桂 一 玄胡索 澤瀉

木香 錢各二 血竭 水蛭 一錢炒 檳榔 半二錢 桃仁

三十三稜 錢五 大黃 酒二錢 浸一宿 倍 右末酒糊丸 桐

子大每三十九丸食前鹽湯或酒下

脾積膏 治諸積神效 雞子 五枚 阿魏 五分 黃蠟 兩一

鍋內一處煎分作十服溫湯空心服諸物不

忌設腹痛是積化動十日後當有血大便中

出是其效也

剪紅丸 專治久積有虫者 雷丸 檳榔

三稜 莪朮 各醋 木香 蕪荑 黑丑

狗脊 大黃 史君子 鶴虱 牙皂 錫灰

茵陳 黃丹 各等 為末以茵陳煎湯為丸梧子

大外以黃丹為衣太人每服三錢小兒每用一

錢空心以酒下 福建者以 冷茶吞

奇驗方 黑羊肝一副入左顧牡蠣三錢黃蠟一

兩水煮肝爛食肝并湯空心食肝盡即効但不

屨其居須多服効

敷方 蕎麥麵水調圍硬處內用皮硝葱重重鋪
三層以火熨之日三次 外服橘半枳木丸加

裁木

又方 以紅麴為糟將生威靈仙同搗極爛敷之
外覺痞塊消即拭去遲恐壞肌膚

熨痞方 吳茱萸三升研碎酒煮熟以布裹熨癥
上冷更炒更番熨之癥逐移走熨之消乃止

二仙膏 貼痞氣及積塊

明礬 雄黃 為末先將二兩水糊和成膏貼
患處俟大便如膿下即愈未愈再以二兩和
膏貼之即効

七膜散 汪子良論中七膜散有瓦楞子 只用皮硝七錢每一

錢擦一膜醃七日鉄器上焙乾燥為末又水

紅花子只用七錢無瓦楞子

羅太無乾柿丸 取虛實積下膈甚妙

硃砂 飛為 沒藥 牙皂 去皮弦 乾姜 炮 乾漆 炒
三稜 炮 輕粉 青礞石 煨各 巴豆 皮三十粒煮

沸水銀一錢鉛一錢

右末和勻飯丸菘豆大

煎柿蒂湯冷下三九或五九有孕婦人服

神功助化散 男婦腹中痞塊不拘氣血食積所

成 扁蓄 麥芽各五錢 瞿麥穗 甘草各五分

木香一錢半 沉香 神麴各二錢半 大黃二兩

右末和勻男以淡竹葉甘草等分煎湯及無灰

酒同調服 婦以紅花灯心當歸等分煎湯及

無灰酒同調服俱酒多於湯忌油膩動氣之物

及房事一月其藥夜服大小便見惡物為度

此方神妙不可盡述

紅丸子 大人脾積氣滯胸膈滿悶面黃腹脹四

肢無力酒積不食乾嘔不止脾連心胸及兩乳

痛婦人脾血積氣諸般血癥氣塊及小兒食積

骨瘦面黃腹脹氣急不嗜飲食漸成脾虛並宜

服之方見傷食

二賢散 進食消積塊 橘紅一斤 甘草四兩

鹽兩半 用水三四碗從早煮至夜以爛為度水

乾則添日乾為末淡姜湯調下 有塊者加

姜黃半兩 氣滯者加香附二兩俱同煎藥
煮 氣虛者加沉香半兩 噤口痢加蓮肉
二兩去心俱另入

小三稜煎 食癥酒癖血癥氣塊時發刺痛全不
思飲食積不消心腹堅脹痰逆嘔噦酢吞酸

京三稜 蓬朮 各四兩 芫花 一兩去梗葉

如右同入甕器中用米醋五升浸滿封器以炭
火煨令乾取出稜朮將芫花以餘醋炒令微
焦焙乾為末醋糊丸菜豆大每十五丸 姜湯下

猪腰子方 治腹中有塊

猪腰子一雙切薄片木鱉子肉一兩與猪腰片
相間縛定外用濕紙包火煨熟去紙搗盆肉
搗如泥入黃連末和丸每二十九烏梅甘草
湯下第二服二十五丸三服三十丸漸加至
以痛為度大便利其塊自消神效

无戎温白丸 治心腹積聚久壅痞塊大如杯碗
黃疸嘔吐滿悶上氣腹脹心下堅結上搶心傷
及脇十種水病八種痞塞翻胃吐逆噎膈五種

淋疾九種心疼積食不消成瘡連年不瘥及一切風身軀頑痺不知痛痒或半身不遂眉髮墮落七十二種風三十六種遁尸疰忤癩癩或婦人諸疾斷續不半下淋瀝五邪朱心憂愁思慮不樂飲食無味月水不調及一切病有似懷孕羸瘦困弊或歌如鬼所使等症

川烏 去皮臍炮 紫苑 菖蒲 柴胡 厚朴 製
吳茱萸 桔梗 皂莢 去弦子炒 茯苓 乾姜 炮
人參 黃連 巴豆 去油炒 桂 蜀椒 去目炒

右末入巴豆令勻蜜丸桐子大每三九姜湯下食後臨卧服加至五六丸止

肝之積肥氣温白丸加柴胡川芎治之 心之積

伏梁温白丸加菖蒲桃仁黃連治之 脾之積

痞氣温白丸加乾姜吳茱萸治之 肺之積息

賁温白丸加人參紫苑治之 腎之積奔豚温

白丸加丁香茯苓遠志治之

肥氣丸 肝之積在左脇下如覆杯脉弦而細

青皮 當歸 蒼朮 各一兩半 蛇含石 煨醋洋

蓬朮 三稜 鐵孕粉各二兩與三稜蓬朮同入醋煮一伏時

右末醋煮米糊丸菘豆大每四十九當歸酒

送下

伏梁在心下結聚不散用桃奴三兩為末空心温

酒調下桃奴樹上乾桃子是也正月採經者冬不落者

肺喘久不愈為息賁五靈丸

五靈脂二兩木香半兩馬兜苓炒一兩葶藶

右末炙肉丸桐子大每二十九姜湯下日三

本事云肺之積曰息賁在右脇下大如杯令人酒

洒寒熱喘嗽發肺癰東膏丸

葶藶子 陳皮 桔梗各等分

右下二味末入葶藶研勻煮肥棗肉和丸桐

子大每五七丸米飲下子嘗患喘飲又漬肺

經食已必噎喘覺肺系大急服此良驗

當歸丸 治婦人月經不調血積

當歸 赤芍 川芎 熟地 京三稜 廣茂

各五神麴 百草霜各二錢半右末酒糊丸桐子大

温水下

尚書媳婦馬氏年三十二腹中血塊作疼經五六年形已骨立衆皆曰不可為奈其未死何家甚貧而大小慙之一日召杜至告杜曰但以濟物為懷則可業已請召明公非所言也遂以少物帛贈杜杜不受曰但服其藥必獲安無以是為疑遂示方用沒藥牛膝乾漆當歸各半兩礪砂木香水蛭炒紅娘子炒紅花牡丹皮硃砂各一分海馬一箇班猫去翅足炒十四箇為末酒醋各半升熬為膏每日天明用一皂子大酒醋化

下十月病退六十月漸安果如其言

黑神丸 神麴 茴香 木香 川椒

丁香 各半 檳榔 四箇 乾漆 六兩半生半熟用姜湯煮半日令香

右除椒漆外五物皆半生半炒為細末用前

生熟漆和丸彈子大又用茴香十二兩鋪陰

地蔭乾候外乾并茴香收器中至乾去茴香

用治腎氣膀胱疝瘕及疝墜五膈血崩產後

諸血漏下赤白並下九分四服死胎下丸皆

綿灰酒下若難產炒葵子四十粒杵碎酒煎

下諸疾不過三服
服血瘦三九下婦有塊如杯每發痛不可忍
諸藥莫愈投以丸三服杯塊盡消終身不復
作矣

沒藥散 治一切血氣臍腹作痛產後惡露兒枕

痛血竭 沒藥並細研桂心 當歸 蒲黃

紅花 木香 玄胡索 乾漆炒赤芍各等分

黑麻右細末每服二錢熱酒調下食前血塊冲

心痛甚者以大順散三錢酒調服立止

牡丹散 婦人久虛羸瘦血塊走注心腹疼痛

牡丹皮 玄胡索 桂心 當歸各一兩 牛膝

赤芍藥 莪術各三兩 三稜一兩

每服三錢水酒各半盞煎服

芍藥湯 治產後諸積不可攻宜養去熱

芍藥 黃芩 茯苓各六兩

右每服半兩水煎日三服

帝曰病脇下滿氣逆二三載不已是為何病岐伯

曰病名曰息積矣不妨於食不可刺灸祇為導

服藥不能獨治也

奇病論云氣逆息難故名息積也

用息貴法
治之亦可

磨積丸 胡椒一百五十粒 木香二錢 全蝎十枚

右末粟米糊丸菜豆大每十五丸陳皮湯下

化氣湯 治息積

木香 砂仁 桂心各二錢半 甘草 茴香炒

丁香皮 青皮 陳皮 乾姜 蓬朮炮各半兩

沉香 胡椒各一錢 右末每服二錢姜蘇鹽湯調

下婦人醋湯服

肝之積肥氣丸 治積在左脇下如覆杯有頭足

久不愈令人欬逆瘕瘕連年不巳

厚朴半兩 黃連七錢 柴胡二兩 椒四錢 巴霜五分 川烏炮

皮臍一分 乾姜五分 皂角去皮 菘子一錢半 白茯苓一錢半

廣茂炮 昆布 人參各二錢半 甘草三錢

右除茯苓皂角巴豆外為極細末再另研巴

霜旋入和勻煉蜜丸桐子大初服二九下日

加下九二日加二九漸加至大便微澹再從

兩丸加服周而復始積減大半勿服 右後

積藥依此法服之春夏秋冬另有加減法在
各條下秋冬加厚朴一半通前重一两減黃
連一錢半若治風癩於下料中加人參茯苓
菖蒲各三錢黃連只依春用七錢雖秋冬不
減漆醋湯空心服下

加減肥氣丸治同前仲夏合此

柴胡 厚朴 各半 黃連 一兩 川椒 各五 甘草 各五

肉桂 各半 川烏 各二 巴霜 六錢 乾姜 入參 各半

取右細末旋入巴霜研勻煉蜜丸桐子大初服

二九下日加一丸二日加二丸漸加至大便

微澹再從二九加服空心漆醋湯下太便利

秋冬去乾姜半錢加厚朴一倍減黃連一半

心之積伏梁丸起臍上大如臂上至心下久不

愈令人心煩 黃連 半一兩 人參 厚朴 去皮姜製各半

兩黃芩 錢三 肉桂 紅豆 茯苓 丹參 各一

菖蒲 乾姜 巴霜 川烏 炮去皮臍各五分

右末研巴霜旋入和勻煉蜜丸桐子大初服

二九日加一丸漸加至大便澹從二九加服

藥水

一

四

食遠淡黃連湯下周而復始即減半勿服秋
 冬加厚朴半兩減黃連半兩黃芩不用
 鰲甲湯 治休梁積氣心下如臂痞痛不消小便
 不利 鰲甲去裙醋炙黃色 三稜 大腹皮 芍藥
 當歸 柴胡 生地各一兩 官桂 生姜切片焙乾各三
 分每服三錢水一大盞入生姜木香半錢同煎
 至八分空心溫服
 脾之積痞氣丸在胃脘腹大如盤久不愈令人四
 肢不收發黃疸飲食不為肌膚

厚朴製半生半炒 黃連錢八 吳茱萸 黃芩 白朮各三
 錢白茯苓另為木 澤瀉錢各一 巴豆霜另研四分 乾姜炮
 縮砂 茵陳錢各一 川烏炮去皮 川椒炒各五分 桂四分
 人參錢一 右末旋入巴霜茯苓和勻煉蜜丸桐
 子大初服二九日加一丸漸加至大便微瀉再
 從二九加服食遠淡甘草湯下周而復始積減
 大半勿服
 加減痞氣丸 孟秋合卦
 黃芩酒炒 益智 吳茱萸 歸尾 橘紅

水之味 十七卷 白朮

附子各三錢厚朴錢一黃連酒半夏紅花各五

清皮廣茂神麴茯苓昆布熟地

人參炙甘草巴霜葛根各二澤瀉

右末蒸餅糊丸桐子大初服二九日加一九

子加至大便微瀉再從二九加服淡甘草湯下

宣明白木丸治息積脇下氣逆妨悶喘息不便

呼吸引痛不已不可針灸宜導引服藥爾

白朮枳實官桂各一人參二桔梗醋炒陳皮

甘草各一為末煉蜜丸桐子大每服二十九

溫酒下日三服

加減息貫丸仲夏合此其積為病寒熱喘欬氣

上奔脉瀉失精亡血氣滯則短氣血凝泣則寒

熱相參氣分寒血分熱治宜益元氣洩陰火破

氣消其堅也川烏乾姜桔梗白豆寇

錢各一人參桂枝各二陳皮錢八黃連一兩紫苑

厚朴茯苓川椒炒去汗京三稜天門冬

錢各一青皮分七紅花許少巴豆霜分四右末餅糊

為丸桐子大初服二九日加一九加至大便

微瀉從二九加服食前姜湯下忌酒麵辛辣

生冷物

腎之積奔豚丸 發於小腹上至心下若豚狀或

上下無時久不已令人喘逆骨痠少氣及男子

內結七疝女子瘕聚帶下 苦棟酒煮黃連五

錢白茯苓 澤瀉 菖蒲各二川烏炮丁香各五

分玄胡索一錢全蝎 附子 獨活各一巴豆

霜分四厚朴姜製肉桂分三其右末旋入巴豆霜茯苓

苓和芍蜜丸桐子大服法如前食遠淡鹽湯

如積熱堅大先服前

藥不減於一料中加牡蠣三錢疝帶勿加

如木積木聚消其大半乃止藥過劑則死

如積滿腹或半腹先治其所起是何積當先

服本臟積藥諸疾自愈是其本也餘積皆然

如服藥人覺熱加黃連 如服藥人氣短加

厚朴 如服藥人悶亂減桂

治積要法 許學士云太抵治積或以所惡者攻

之所喜者誘之則易愈如硃砂水銀治肉積神

麩麥孽治酒積水蛭虫治血積木香換柳治
氣積甘遂帝牛治水積雄黃膩粉治痰積巴豆
礞石治食積各從其類也若用群隊之藥分其
勢則難取效須要認得分明是何積聚兼見何
證然後增加佐使之藥不爾反有所損要在臨
時通變也治積當察其所痛以知其病有餘不
足可補可瀉無逆天時詳臟腑之高下如寒者
熱之結者散之客者逐之留者行之堅者削之
強者奪之醎以熨之苦以瀉之全真氣藥補之

隨其所積而行之即飲食慎起居和其中外可
復必已不然遽以大毒之劑攻之積不能除反
傷平氣終難復也可不慎歟
治魚蟹積香蘇散多加生姜陳皮橄欖煎服
菓菜積平胃散加丁香射香為末鹽湯調服
索粉積紫蘇濃煎汁加杏仁泥服即消
麵積阿魏丸濃煎羅蔔子湯下
糞糕傷積酒麩五錢木香一錢為末鹽湯調服
口有酒香是效

蘇水法
卷之七
五

治婦人血塊有孕難服峻藥

香附子四兩 醋煮 桃仁一兩 去海石二兩 醋煮 白木一兩

神麴糊為丸

奇方 治一切癥瘕積聚 蟹甲一兩 醋煮 三稜五錢

白木五錢 青皮 桃仁 紅花 昆布各二錢 香附

醋煮 右末糊丸梧子大每十錢煎白木湯下

治中脘有塊中常跳動 橘紅四錢 桃仁二錢 去皮尖

木通一錢 白木八錢 水煎服

治中脘水飲積塊堅大如盤 白木二兩 枳實七錢

分三服水煎

治小兒疳積 太安丸加胡黃連末五錢神麴糊

入丸黍米大米飲下

丹溪治下人肚左邊帶脇下有塊先吃匾食牛乳

者成氣痛又因酒肉塊大如桃食減三分之一

滑石五錢 白木四錢 陳皮二錢 稜各三錢 蘿蔔子大

黃連 連翹各一錢 乾葛半二錢 桃仁二十枚 甘草炙

錢黃芩一錢 分三帖水煎服

一婦脇下有塊大如掌脉滿時作熱此虛中有氣

積先與補虛次與磨積藥

白芍藥 當歸尾 各四錢 白木 三錢 青皮 川芎

木通 各一錢 甘草 五分 水煎服

磨積藥 三稜 醋煮 一錢 青皮 枳實 桃仁 大黃

各五錢 桂枝 一錢 海藻 醋煮 三錢

神麴糊為丸 梧子 大每服五十九

一人有現在脇內有痰熱汗不得泄兩脉大而散

軟此挾虛症 六三稜 錢五 黃連 白朮 連翹

木通 各三錢 人參 二錢 桂 川芎 各一錢 甘草 五分

水煎吞下保和丸

一婦瘡後左脇下有塊小便少

厚朴 柴胡 各二錢 三稜 青皮 木通 各五錢

白朮 六錢 甘草 五分 麥一片 水煎服

一人因飽食牛肉豆腐嘔吐又不即飲食右脇

下生一塊漸長大如掌痛發則見痛止則伏脉

弦數性急塊上不可按按之愈痛痛則必吐黃

酸苦水此是太陰食積濕痰

荔枝核 燒 二枚 山梔仁 炒 五枚 枳實 十五枚 山查 九枚

吳茱萸 炒九

一方有人參 急流水一盞煎沸入生姜汁服四

帖止其痛却與消塊藥

消塊藥方

半夏末

六錢皂角六枚水煮取汁拌半夏末晒乾

黃連

炒五錢

石碱

錢

右末以糖毬膏為丸胡椒大

驚風成塊者妙應丸加川山甲炒鱉甲燒各三錢

一玄胡索蓬朮各四錢每服五十九加至七十九

以利為度

妙應丸即控涎丹方見痰門

酒積方累効

即烏梅丸方出傷飲門

愆義有入病心腹懣煩彌二歲診曰腹有蠱誤食

髮而然令餌雄黃一劑少刻吐一碗如拇指無

自燒之有髮氣乃愈此殺毒虫之驗也

丹溪治食積死血痰積成塊在兩脇動作腹鳴嘈

雜眩運身熱時作時止

黃連

一丙半吳茱萸益智仁同炒

山梔

半丙炒

川芎 神麩

桃仁

去皮

三稜

蓬朮

各半丙並醋煮

香附

童便浸

山查

各一丙

蘿卜子

炒一丙半

一方有青皮

半丙 白芥

子炒一兩半 右麵糊丸一

治婦人血塊三 牛膝根切焙乾酒煎温服効

腸覃生於腸外月事時下 石瘦生於胞中月事不

無以時下二 病皆似蠱脹並見 脹門疝 疝

產後消血塊一 滑石錢 沒藥錢 血竭錢

以右末醋糊丸如 惡露不下以 五靈脂為 細末

或末麵糊丸白 湯下陳 皮湯下妙

入方 消血塊

香附童便浸 桃仁去皮 為末醋糊丸

陳無擇云導引法 隨意行之皆可 愚謂或 按摩滿

處或 手足相屈伸或 八段錦或 六字氣之類 以氣通為効

大宮詹少溪吳馭閱校

終

水玄珠 八十七卷 五十六

Handwritten marginal notes on the right edge of the page, including a small number '11' at the top and '12' at the bottom.

大宮 亂心 亂心 亂心 亂心

麻 亂心 亂心

Main body of handwritten text in vertical columns, including characters like '亂心', '麻', and '大宮'.



